


Anegmu Akkeni



Ahric 101

Tamuyli tamatut yef Tira lqedsen



Issufey-it Ybrahim yer beṛṛa, yenna-yas :

"Muqel igenni. Ḥseb kan itran, ma tzemreḍ ad ten-ṭhesbeḍ !"

Inna-yas dayen : "Akka ara tili tarwa-k."

Lašel n ddunit ixef 15, taseddart 5

info@progressonsensemble.com

www.ProgressingEnsemble.com

DÉCEMBRE 2021

Aḥric 101 - Tamuyli tamatut yef Tira Iqedsen :

Lsas n Rebbi akk-d lbaraka n yegduden n ddunit di Lmasih

Isiwi n temsirt 101

1. Ad nissin s umata yef wayen yeḍran d wayen yexdem yasue Lmasih.
2. Ad nefhem belli lemeahda i d-yettunefken i Ybrahim teḍra-d di Lmasih.
3. Aseghed n teflest-nney di Sidi Rebbi imi yella d win yettaṭṭafen deg wawal-is yerna yettbarak wid akk itteklen yef Lmasih akken ad ten-isellek.
4. Tikkin deg useḍru n wayen ihegga Sidi Rebbi i ubarek n yegduden s tmesliwt n Linḡil.

Timsirin

1	Lweed yettunefken i Ybrahim : D lbaraka i yegduden merṛa
2	Agzul yef umezruy n Leahd aqdim
3	Linḡilat : Inagan i ywalan i d-yehkan yef tissin n Lmasih
4	Tamezdayt tmezwarut : imceggéen ssawḍen taflest tamasihit yer tqerna n ddunit
5	Tibratin : aselmed i tmezdayt

Tazwert

Iswi n temsirt-agi d tamusni s umata n tyektabt iqedsen. Yasue s timmad-is yefka-yay-d aselmed agejdan ara y-yawin ad nefhem tikti tagejdant n tektabt iqedsen : « Tessenqadem Tira Iqedsen acku yes i tesseam tudert ur nkeffu. D Tira-yagi i d-ittcehhidden fell-i, kunwi ur tebyim ara ad d-tasem yur-i! ». (Yuḥanna 5.39-40).

Deg yiwet n tseddart nniḍen, Yasue yenna-d : « ... ilaq ad yeḍru wayen akk yuran fell-i di ccariea n Musa, di tektabin n lenbiya akkd ihellilen ». S wakka i sen-yeldi lefhama-n sen, dya fehmen tira » (Luqa 24.44-45). Lmasih, m'ara yili yemmeslay-d yef ccariea n Musa, tiktabin n Lenbiya ney ihellilen, yettmeslay-d yef Leahd aqdim.

S tidett, di lawan-nni, agdud n Israil yesdukel-ed akk Tira n Leahd aqdim di tlata n yeḥricen-agi. Yasue yusa-d akken ad yesnekmal Tira n Leahd aqdim yerna yettader-itent-id s waṭas akken ad yessiweḍ aselmed-ines.

➤ **Tikti tagejdant n Wedlis Iqedsen, d leqsed n Sidi Rebbi i leslak n yal amdan s Yasue Lmasih.**

Ass-a, Adlis iqedsen yesdukel-ed 39 n yedlisen yellan di **Leahd aqdim**, am akka :

✓	Idlisen n Musa	Si Lašel n dunnit ar Asmekti
✓	Idlisen n umezruy	Si Yacuea ar Istir
✓	Idlisen n isefra	Si Yub ar Ccna n ccnawi
✓	Idlisen n Lenbiya	Si Iceaya ar Malaxi

Ləahed ajdid, llan deg-s 27 n yedlisen : 4 n Liŋġilat akk d lecyal n yemceggēen, yellan am yedlisen n umezruy ; 21 n tebratin (si tebratt i wat Ruman ar tebratt n Yuda), yellan d tibratin yeččuren d aselmed i tmezdayin ; ma yella d adlis Awehḥi, d adlis i yesselmaden yef tuyalin n Lmasih.

Yasue Lmasih, ihegga-d abrid i tira n Ləahed ajdid. Yextar 12 n yemceggēen, yellan d inagan-is, d nutni i d-yessawden aselmed-ines akken yella (Yuḥanna 15.26-27). Icegge-asen-d Rruḥ lqedsen akken ad asen-yili d lemɛawna deg wesmekti akk-d tira (Yuḥanna 14.26). Tamezdayt tebna yef Isas n uselmed n yemceggēen (At ifasus 2.20).

➤ **Idlisen yellan deg Adlis lqedsen ttbegginen-d amseḍfer di tira yeddukklen, talemast-is d Yasue Lmasih**

- ✓ Ləahed aqdim yemmeslay-ed s wudem ibanen tissin n Yasue Lmasih
- ✓ Ad naf di Liŋġilat tagwa n inagan yellan yid-s
- ✓ Ayen i d-yeqqimen di Ləahd Ajdid, i d-uran inagan-agi yeddren yid-s, iḥekku-d amek i tettwasbedd d wamek i tegma tmezdayt. Imceggēen beccren lexber n lxiir n leslak di Yasue Lmasih, rnan slemden ayen akk i sen-dyumer Yasue Lmasih.

Tagwa

Amḍebar n terbaet-nwen awen-ed-ibegen tavidiuṭ naḡ awen-ed-iyer chada id-itewešifen asentel n waḥric-agi.



Tamsirt ① : Lweed n Rebbi i Ybrahim

Lbaraka i yegduden n ddunit

Isem : _____ Ass : _____

Iswiyen n temsirt

1. Ad nessiwed a nefrez ger tamiwin yemxalafen n Udlis lqedsen (wali tazwert).
2. Hmed Rebbi yef wayen akk i yeweed d leslak i d-yefka baṭel, s rreḥma-ines ; ad nerr d ayla-nney ayen akk i yeweed deg wawal-is, aya s letkkal i d-itekken si teflest.
3. Ad nefhem belli Sidi Rebbi yessawal-ed i wid yellan d ayla-s akken ad ssiwden lbaraka n Ybrahim i yegduden n ddunit.
4. Ad nesbedd kan letkkal-nney yef Rebbi di tmeddurt-nney, ad s-nay awal deg wayen akk i y-d-yessutur.



Deg ixfawen imezwura n wedlis Lašel n dduint, Musa yeḥka-d amek i texleq ddunit, yef wamek i teyli talsa deg ddub, yef lḥemla n waman d lebni n lberj n Babil anda akken Sidi Rebbi yefka-d beṭṭu ger yemdanen ; yebda-ten yef yegduden syin akin mwezzaeen yef yal tamnaṭ n ddunit. Deffir n waya, ad nwali tameddurt n Ybrahim s ttfāṣil, netta yellan d tasarutt yef wamek yebya Rebbi ad yexdem i leslak n leḡnas merṛa.



Xer adlis Lašel n ddunit 12.1-5, Lašel n ddunit 15.1-6 d at Ruma 4.15 d 16-25



Di tektabt n Lašel n Ddunit 12.2-3, ad naf leweud ni yexedem Rebbi i Ybrahim. Dacu i yeweed Rebbi ad t-yexdem i Ybrahim ?



Sennig n Ybrahim, Rebbi yeweed ad ibarek 3 trebbae nniḍen, anta-tent ?

- 1.
- 2.
- 3.



Deg wayen yuran di lašel n ddunit 12.1-5, init-ed ma yella yecreḍ deg Ybrahim ad yexdem kra iwakken ad t-ibarek ? Init-ed ayyer ?



Ybrahim isken-ay-d amek ara nili d iħeqqiyen zdat n Rabbi. Init-ed amek i yezmer ad yili d lemtel i nekni ? (Lašel n ddunit 15.1-6).



Ybrahim yumen d akken Rabbi ad yexdem yiwen n lberħan d ameqqran. Anwa ? (At Ruma 4.19-21.)



Ma nwala amedya n Ybrahim, s wacu i ylaq a namen iwakken ad d-nban d iħeqqiyen zdat n Rabbi ? At Ruma 4.23-25)



Xef lśas n wayen id-yram, init-ed anta tirit i yšeħħan :

- ☐ Rabbi yewēed ad ibarek anagar cċetla n Ybrahim
- ☐ Rabbi yebya Ybrahim ad yili d lēinšer n lbaraka i wiyađ
- ☐ Ybrahim ad yili d lēinšer n lbaraka i leğnas meřra.
- ☐ Rabbi yefka-d lweēd i Ybrahim i yeēnan leğnas meřra n ddunit.
- ☐ Ma nwala amedya n Ybrahim, ad naf lemziya yer Rabbi s lecyal-nney yelhan.
- ☐ Ybrahim yumen Rabbi mi s-d-yewēed d akken cċetla-ines as tili am annect n yetran n igenni
- ☐ Wid yeēan taflest n Ybrahim ad ttusemmin 'tarwa n Ybrahim'.



Leqdic n zyada

1. Cċnut yiwen n cċna n ucekkeř i d-yettbegginen tadukli-nney di Lmasiħ, amedya :
 - [Rebbi d Ameksa-w](#)
 - [Ad hemdey Rabbi ilha](#)
 - [Illu Amekdi](#)
 - [Fell-ak i ttekley](#)
2. Walit tafidyutt-agi i d-[iħekkun yef Ybrahim](#). Syin akin mmeslayet yef isteqsien-agi : Deg wanda i wend-yessutur Rabbi ad tetteklell fell-as ? D acu ara tedjem i wakken ad terrem i usiwel-ines ?



Leqdic

1. Ssutret i Rebbi di tẓallit akken a wen-d-yefk taflest iǧehden am tin n Yebrahim. Ma yella tcukkem di Rebbi kra n tikelt di tudert-nwen ney ma yella yessawel-awen-d au s-terrim ara awal, init-ett i Rebbi, ddmēt leqsed ad s-tayem awal.
2. Ma yella tettrajum si zik Rebbi ad d-iger afus-is yef kra n temsalt i kun-iceyben ? Ney ma yella Rebbi yessuter-awen-d ad txedmem kra ur s-tezmirem ara ? (Ma yella win i d-yehkan aya, zẓallet fell-as).
3. Myehkut wway gar-awen yef tegnatin i teddrem anda i tefkam (terram) laman di Rebbi, s teflest, tetteklem fell-as d akken ad d-yedru wayen i yeweed.
4. Deg ussan i d-iteddun, smeḥset i wayen ara wen-d-yini Rebbi ad txedmem-t, idiret taflest-nwen s tiyin n wawal-is.



Afraq

Di ddurt-agi, ferqet d wiyaḍ ayen i tlemdem di temsirt-agi. Tzemrem dayen ad txedmem tamsirt-agi akk-d wiyaḍ.



Tamsirt ② : Agzul n umezruy n Leahd aqdim

Amezruy n ccetla n Yebrahim d wemsellek i ylaqen ad d-yas

Isem : _____ Ass : _____

Iswiyen

1. Ad neeqel ayen yesēan azal meqqren deg wayen yeḍran di leahd aqdim d wamek i ttemseḍfarent tedianin. Ad nefhem dayen amek i ylaq ad d-yass Lmasih-Amsellek.
2. A nefhem amek agdud n Rebbi di Leahd aqdim, am yegduden n ddunit merṛa, ibeggen-ed iman-is ur yezmir ara ad i qader leeqed i yexdem Rebbi yid-es.
3. Ad nesteeref d s lexšaṣ n tezmert-nney iwakken ad nidir ayen i y-d-yessutur Rebbi, aya ad d-ibeggen belli ilaq ad nili ddaw n leenaya n rreḥma-ines.
4. Heḍdet seg wul ayen yellan di leahd aqdim iwakken ad t-tferqem akk-d wiyaḍ.



Xer wanda i d-nessawed ?

1. Dacu i d-lemdem n wayen yesēan azal meqqren di temsirt-agi ?
2. Dacu i d-yellan mi tferqem ayen akka i tlemdem akk-d wiyaḍ ?
3. Dacu i d-yewwi d lfayda di tudert-nwen wayen akka i tlemdem ?



Xret di Lecyal n yemceggēen ixef 7 d Asmekti 9.1-6



Di lecyal n yemceggēen ixef 7, stifan yewwi-d awal, yef leahd aqdim, yesfehm-it-d. Ččaret aḍris i d-iteddun s yismawen i wen-d-ittunefken. (Yettunefk-awen-d umadya di tazwara.

(Yebrahim) – Dawed – Ishāq – Yeēqub – Yusef – Yacuea – Sliman – Musa

Rebbi ibeggen-ed iman-is i Yebrahim, yenna-yas ad yeḡḡ tamurt-is akken ad iruḥ yer tmurt ara s-d-yesken. (t.2 d 3) Yebrahim yesēa-d _____ d mmi-s. (t.8)

Ishāq yesēa-d mmi-s _____, yettusemman dayen 'Isṛayil'. Netta dayen yesēa-d tnac n warrac. (t.8)

_____ zenzen-t wayetma-s, yufa-d iman-is d akli di Maṣer. (t.9) Syin akin, yewwi-d baba-s d watmaten-is akken ad ten-isellek si laḥ.

Yeēqub d warraw-is qqimen di Maṣer, dderya n dderya-n sen llan din azal n 400 n iseggasen. Ftin, uyalen d agdud ameqran. (t.17) Dacu kan yer tagara, qehren-tn imaṣriyen. (t.18-19)

Rebbi ibeggen-ed iman-is i _____ deg udarnu iṛeqqen yessuter-as-d ad iruḥ a d-yessufey agdud n Isṛayil si Maṣer. (t.30-34)

_____ yewwi agdud n Isṛayil yer tmurt i yewēed Rebbi. (t.45)

_____, yuḡal d agellid n Israyil, yebḡa ad yebnu afakan (lemqam) i Rabbi. (t.45-46)

D mmi-s _____, i yebnan afakan-agi. (t.47)



Mi yessawed Rabbi agdud-is ḡer tmurt i sen-ittuweeden, s ufus n Yacuea, ayḡer i yessenger agdud i yettidiren din-a, yefka tamurt i wegdud n Isarayil ? Asmekti 9.1-6)



Deg umeslay-is i yemḡebbren n wat Israyil, acimi i yessayzef Stifan awal ḡef umezruy n Israyil ? (Lecḡal 7.51-53)



Amek i d-imettel imḡebbren-agi n wat Israyil ? (Ayen akka i d-yenna, yura dayen deg ixef 9 n wedlis Asmekti).



Dacu i yebḡa ad d-yini waya ?



Xef anwa i d-xebbren lenbiya n Israyil d akken ad d-yaḡ ? S wacu i ilum Stifan ieggalen-agi n tesqamutt n wegdud ? (t. 52)



Di tseddarin 42 et 43, Stifan ibder-ed yiwen n nnbi n leahd aqdim isem-is Eamus. Nnbi-agi yedder di Israyil s waḡas n iseggasen deffir n Sliman. Ixebber-ed s lemḡasba n Rabbi ḡef ugdud n Israyil. Agdud-agi yettuḡaseb, teḡli-d fell-as twaḡit, am akken i t-iyenna Eamus d lenbiya nniḡen : agdud Israyil wwin-t amerḡhun ḡer Babil.

Azal n setta leqrun i yellan ḡer wasmi i yruḡ wegdud n Israyil d amerḡhun armi d talalit n Lmasih, d takemmict kan seg ugdud i yeqqimen di tmurt, yerna llan dayen ddaw uzglu n ucengu aberḡrani.



Xef wayen i d-yenna Stifan di snat n tseddarin-agi, acimi i yemmed Rabbi i wegdud n Israyil ad t-awin d amerḡhun ? (Eamus 5.25-27)



Leqdic n zzyada

Heḍdet ayen akka yuran di leahd aqdim am akken i t-twalam di temsirt-agi. Gezmet-ed tiwelfin (images) i d-iteddun, sxedmet-ten akken ad d-teḥkum tadyant akken i teḍra. Atan weḍris i yeddukklen d 15 n twelfin-agi :

1. Rabbi ibeggen-ed iman-is i Yabraham, yenna-yas ad yeḡḡ tamurt-is ad iruḥ yer tmurt ara s-d-yesken.
2. Yebraham yesēa-d mmi-s Ishāq.
3. Ishāq yesēa-d Yeḡub i yettussmman dayen 'Israyil'.
4. Netta dayen yesēa-d 12 n dderya.
5. Yusef zenzen-t wayetma-s d akli, yufa-d iman-is di Maṣer.
6. Syin akin, yewwi-d baba-s d wayetma-s yer Maṣer akken ad ten-isellek si laḥ.
7. Yeḡub d warraw-is qqimen azal n 400 n iseggasen di Maṣer, ftin, uḡalen d agdud ameqqran.
8. Dacu kan yer tagara n tallit-a qehren-ten imaṣriyen.
9. Rabbi ibeggen-ed iman-is i Musa deg udarnu ireqqen, yumeṛ-as-d ad d-yessufey agdud n Israyil si Maṣer.
10. Yacūa yewwi agdud yer tmurt i yewēd Rabbi.
11. Dawed, yuḡal d agellid n Israyil, yebḡa ad yebnu afakan i Rabbi. Dacu kan Rabbi ur t-yeḡḡi ara.
12. D mmi-s, Sliman, i yebnan afakan (lemqam, temple).
13. Aṭas n iseggasen yer zdat, Rabbi iḡuseb agdud n Israyil, yessyeli-d fell-as tawayit meqqren akken i t-id-xebbren yakan lenbiya : Agdud wwint d amēḥun yer Babil.
14. Lenbiya xebbren-d dayen s tissin n Uḡeqqi, Lmasih.
15. Azal n setta leqrun i yellan ger wasmi i yruḥ wegdud n Israyil d amēḥun armi d talalit n Lmasih, di tallit-a, d takemmict kan i d-iqqimen di tmurt, yerna llan dayen ddaw uzaglu n ucengu aberṛani.



Leqdic

1. Ssutret i Rabbi di tḡallit anda akk i tesxesrem di tudert-newen, anda ur teddirem ara akken i t-d--yenna deg wawal-is. Qqiret-ed s waya, ssutret-as awen-isemmeh. Hemdet-t s tdukli yef lemziyya d rṛehma-ines i wen-d-ifka.
2. Ma tegrem tamawt, yettmeslay-ed dima yef leebada n iṛebbiten n lekdeb d ueaṣi n wegdud n Israyil. Init-ed dacu i twalam di tmurt-nwen icudd yer leebada n wayen yexḍan i Rabbi. (1 Timuti 2.1-2). Ddmet lweqt di tḡallit, ḡallet yef tmurt-nwen d wid i tt-iḡekmen.
3. Di leahd aqdim, nwala amek Rabbi yeggar-ed iman-is, yesselḡuy lumuṛ n yegduden. Dacu i nezmer ad d-nelmed deg waya yef Rabbi ? Init-ed amek ayagi ibedel tamuḡli-nwen yef wayen iḍerrun di ddunit. Deg ussan i d-iteddun, m'ara twalim issalen, mmektited annect-a rnūt ḡallet yef wayen i teslam.




Afraḡ

Di ddurt-agi, ferqet d wiyaḍ ayen i tlemdem di temsirt-agi. Tzemrem dayen ad txedmem tamsirt-agi akk-d wiyaḍ.





Gezmet tifalkiwin-agi i wakken attesxedmem di hekk n qeşit n Leahed Aqdim.



Tamsirt ③ : Lingilat

Inagan i heḍren, ḥkan-d yef tissin n Yasuē Lmasih

Isem : _____ Ass : _____

Iswiyen

1. Ad nizmir ad nessfhem snat ney tlata n ixebbiren n Leahd aqdim i d-yedran di Yasuē Lmasih.
2. Ad nefhem belli lmut akk d heḡgu n Yasuē xebbren-d dayen fell-as lenbiya di Leahd aqdim d akken d netta i d Lmasih-Amsellek.
3. Aselmed n inagan (inelmaden-imceggeen) n Lmasih ay-yili d afud meqqren imi i yella d aselmed iṣeḥḥan, d nutni dayen i d-icehden yef tmettant (lmut) d heḡgu-ines.
4. Taḡallit yef ieggalen n twacult, lḡiran, leḥbab d wid ukud nxeddem akken ad ilin d wid iheḡgan i usmeḥses n Tira lqedsen.



Xer wanda i nessawed ?

1. Dacu i d-lemdem n wayen yesan azal meqqren di temsirt-agi ?
2. Dacu i d-yellan mi tferqem ayen akka i tlemdem akk-d wiyaḍ ?
3. Dacu i d-yewwi d lfayda di tudert-nwen wayen akka i tlemdem ?



Xret Matta 1.18- 2.23 d Luqa 24.13-49.



Acimi i d-yefka lmelk lamer i Yusef akken ad isemmi i weqcic ara d-ilalen si Meryem 'Yasuē' ? (Matta 1.21)



Amek i i ḡran yemḍebbren n lmuqeddmin d imsnawen n ccariēa d kken Lmasih ad d-ilal di Bitlḥem ?



Deg wayen akka i d-iteddun, init-ed ayen yuran di Leahd aqdim yella dayen di Matta 1.18-2.23 i yedran mi d-yusa Yasuē Lmasih. Xef yal yiwet di tira-agi, init-ed ayen i d-yenna Leahd aqdim d wamek i yedra s Lmasih. Ttunefken-awen-d sin n imedyaten.

Matta	Leahd aqdim	Ayen idran di Lmasih
1.21	Ihellilen 130.8 D netta ara ixellšen yef ayen akk yexdem wegduḍ n Israyil.	Yasuē ad isellek agduḍ-is si ddnubat-is

1.22,23	Icɛaya 7.14	
2.5,6	Mixa 5.1 (t 2 di kra n tektabin nniɗen) Si Bitlhem ad d-yeffey Win ara ihekmen yef Israyil. D Win yellan si zik, weqbel ad d-yili kullec.	
2.15	Huceɛ 11.1 Ssawley i mm-i a d-yeffey si Maşer.	
2.18	Iirmiya 31.15	
2.23	Ihellilen 69.8 Axaţer, yef ddemma-k i ttibbiy iear, I tezga lhecma yef wudem-iw. Icɛaya 8.23 - 9.1 Talliyn i d-iteddun ad sburrent Ğlili s tmannegt. Agdud yettidiren di ɭlam ad iwali tafat meqqren.	Yasue iɛac temz-ines deg yiwet di Naşaret, yellan d yiwet si temdinin n Ğlili. Isem-agi yettmettil-ed rregma d lhecma



Acimi i yenna Yasue i sin-nni n inelmaden deg ubrid n Σmawes "a wid urnefhim, ulawen-nwen qquren ugin ad amnen" ? (Luqa 24.25-27)



Anwa-ten i nagan, wid yellan yid-es, i d-yuder Yasue di Luqa 24.46-48 ?



Anta-tent tedyanin iwumi i heɗren ?



Acimi aya yesɛa azal i nekkni ?



Leqdic n zzyada

1. Muqlet abecer n Lanbiya igellan di Linjil n Maṭṭa, Ixef 1 & 2, arruted d acu id-qaren yef ayen ienan Lmasih, tbiɛa-s, leqdic inn-es akw tudert-is. Mbaɛda, čaret ilmawen s wayen id fehmem di leqraya n Leahd aqdim yef ayen idenan Lanbiya : Iɛɛaya 9.1-7 ; Zakarya 11.12-14 ; Iɛɛaya 42.1-7 ; Ihellilen 22 ; Iɛɛaya 52.13 ar 53.12 ; Hucaɛ 6.2 ; Ihellilen 2.6-12. Ma tzemrem, ɛerɛet ad affem asentar di Leahd Ajdid anda id yeḍra waya.

TIXAWSIWIN DI TUDERT N LMASIḤ ID-IṬṬUBECREN DI LEAHD AQDIM		
Tebcirat n Leahd Aqdim	Ayen id-qarent yef Lmasih ara ad-yassen (Ayen id-yeḍran di tudert n Yassuɛ)	Akemel-ines di Leahd Ajdid
TALALIT, TBIɛA AKW D AẒẒAR-IS (ORIGINE)		
Iɛɛaya 7.14	Ad illal am Iṭṭufan (ad-yili d amdan), acku adyili d ayen d Eimanuil (Rebbi Ameylal, yid-neɣ)	Yuḥenna 1.14 ; Iyalatiyen 4.4-5
Mixa 5.1		
Irmeya 31.15		
Iɛɛaya 9. 1 akw 5-6		
TUDERT		
Huceɛ 11.1		
Zakaria 11.12-13		
LEQDIC		
Ihellilen 130.8		
Iɛɛaya 8.23 akw 9. 1-2		
Iɛɛaya 42.1-7	Ad-yili d aẓawali, ur ixedem-ara cceɣ i yeɛdawen-is. (t.2-3) Ad-yesers Iḥeq yef Iqaɛa. (t.3-4) Ad-yili d tafat n lejnas. (t.4-6) Ad-yelli Allen i yedrayalen, ad yebru i wid yetṭwaqnen. (t.7)	Maṭṭa 12.15-21

LMUT		
Ihellilen 22		
Icɛaya 52.13 ar 53.12		
HEGGU		
Ihellilen 16.10		
Huceɛ 6.2		
TALLUYT AKW D LEḤKUM		
Icɛaya 9.5-6		
Ihellilen 2.6-12		

2. Ddukklet sin sin, yiwen ad yili d amasiḥi wayeɖ d win ur numin ara yebyan ad yefhem. Win yellan d amasiḥ ad yemmeslay i wayeɖ yef tudert tajdiṭ di Lmasiḥ, ad s-yessefhem s tseddarin-agi i d-nwala di temsirt-agi. Ciṭuḥ n lweqt ar zdat mbeddalet imukan. Kra deg-wen ad-kkren ad-mmeslayen zdat n terbaɛt.



Leqdic

1. Sɛddit ciṭuḥ n lweqt deg uḥmad n Rebbi, init i Rebbi "tanmirt" yef awal-is yellan d tidett i-yef nezmer ad nettkel, int-as dayen "tanmirt" yef Yasuɛ, Lmasiḥ Amsellek i yettuweeden.
2. Xemmemet dayen yef leḥbab-nwen, yef twacult-nwen, wid ixeddmn yid-wen d lḡiran-nwen ur 'nefhim ara tidett n Lmasiḥ', yellan ḡaɛen imi i beeden yef Rebbi, akken ulawen-nsen ad lɛdin ad walin tafat n Lmasiḥ. S trebbae n sin ney tlata, ɛallet akken Rḡuḥ lqedsen ad ixdem deg ulawen-nsen akken ad-ilin wejden ad qeblen ayen i d-iqqar wawal n Rebbi. Deg ussan i d-iteddun, kemmet tazallit yef wid akk iwumi i d-ttubedren yismawen-nsen di terbaɛt-nwen.



Afraɣ

Di ddurt-agi, ferqet d wiyaɖ ayen i tlemdem di temsirt-agi. Tzemrem dayen ad txedmem tamsirt-agi akk-d wiyaɖ.



Tamsirt ④ : Lecyal n yemceggeen d tmezdayt tamezwarut

Imceggeen beccren taflest di Lmasih di yal tiqernit n ddunit

Isem : _____ Ass : _____

Iswiyen

1. Ad nefhem belli ayen s wayes yumer Lmasih inelmaden-is "ad ruhen ad xedmen inelmaden di ddunit merɣa", d lweɛd-nni i d-yefka yakan Rebbi i Ybrahim i d-yedran.
2. Ad nessenqed leqdic n wemceggee Bulus ad nernu ad nefhem lferh i yesɛa deg ubeccer n Lexber n lxir i leɣnas.
3. Ad nili d wid ittekkin deg wayen i yebɣa Rebbi ad t-ixdem, s ubeccer n Lexber n lxir akken ad ttubarken leɣnas n ddunit merɣa.



Xer wanda i nessawed ?

1. Dacu i d-lemdem n wayen yesɛan azal meqqren di temsirt-agi ?
2. Dacu i d-yellan mi tferqem ayen akka i tlemdem akk-d wiyaɗ ?
3. Dacu i d-yewwi d lfayda di tudert-nwen wayen akka i tlemdem ?



Xret deg udlis n Lecyal 1.1-9 et 26.1-32



Di tallit n tmezdayt tamezwarut, imceggeen ssawden taflest di Yasue Lmasih yer tyemmar n ddunit.



Di Lecyal n yemceggeen 1.1-9, Yasue yenna i inelmaden-is d akken ad sen-d-yettunefk Rruḥ lqedsen. D acu ara xedmen m'ara sen-d-yettunef-ek ?



S imeslayen-nwen kunwi, init-ed dacu i tfehem deg imeslayen-agi "alamma d tiqerniyin n ddunit".



Dacu i icudden ayen i d-inna dagi d tseddart Lašel n ddunit 12.3, di temsirt tamezwarut ?



Imceggeen xedmen ayen i sen-d-issuter Yasue ad t-xedmen, ruhen beccren leslak s yisem-is. Aṭas n yemdanen i yumnen rnan sbedden aṭas n tmezgidiwin (Lecyal n yemceggeen ixef 2 d wayen i d-itabaɛen). Amceggee Bulus yura aṭas n tebratin i tmezdayin. Ad tent-naf di Leahd Ajdid.



Xret tanagit n umceggee Bulus mi ibedd zdat n ugellid Agrifa di Lecyal 26.1-32. Amek i ixeddem Bulus i imasihiyen uqbel ad iqbel Lmasih di tudert-is ? (Lecyal n yemceggeen 26.9-11)



Amek i yuɣal umceggee Bulus netta dayen d inigi n tidett n Yasue Lmasih ? (Lecyal n yemceggeen 26.12-15)



Dacu i s-d-yenna Rebbi ad t-yexdem ? (Tiseddarin 15-18)



Dacu i yexdem Bulus iwakken ad d-iban yuy awal i Rebbi ? (Tiseddarin 19-20)



Dacu-t wassay yellan ger wayen yuran deg udlis n Lecyal 26.17-20 akk-d Lecyal 1.8 ?



Xef wayen i d-yenna Bulus, dacu i d-nnan Musa d lenbiya yef Lmasih ? (Lecyal n yemceggeen 26.22-23)



Dacu i yebɣa i d leqsed n umceggee Bulus mi yemmeslay i ugellid Agrifa, Fistus d wid akk yellan din mi iɛedda di ccree ? (Lecyal n yemceggeen 26.28-29)



Leqdic n zzyada

1. Walit di tfidyutin-agi timecɥaḥ i d-ittbegginen amek i yewweɣ Linɣil yer yal tiqernit n ddunit seg wasmi i tebda tmezdyat tamezwarut ar ass-a. (Neshassef imi Linɣil ur yettubeccer ara di tmura n cinwa a Kurya n wenɣul!) : [Tavidyut 1](#) – [Tavidyut 2](#)

Rnut init tanmirt i Rebbi yef wid akk yumen s Lmasih i ibeccren Linɣil di yal lqern, ɣallet dayen yef tmura i mazal ur slint ara s Linɣil.

2. Amek i d-iwwed Linğil yer tmurt-nwen d taddart-nwen ? Hkut wway gara-wen amek i tebda tmezdayt-nwen ? Hemdet Rebbi imi di tmurt-nwen tettubarek akka.



Leqdic

1. Hkut i wiyad amek i tumnem s Lmasih. Init "tanmirt" i Rebbi yef wid i wen-d-immeslayen yef Lmasih.
2. Kunwi yellan d imasihiyen, tettunefk-awen-d dayen tezmert n Rruh iqedsen akken ad tilim d inagan n Yasue Lmasih (Lecyal n yemceggeen 1.8). Init-ed amek ara tilim d inagan n Yasue di tmeddurt-nwen n yal ass ?
3. Init-ed ma yella temmugrem-d iewwiqen akken i ten-id-mmugren imasihiyen imezwura ? Dacu i d-tlemdem deg wayen akka i taceem ? Dayen amek ayen akka i tlemdem ass-a izmer awen-ifk afud di tagnatin-agi iweeren ?
4. Bdut iman-nwen yef sin ney yef tlata, zallet i tikelt nniqen yef wid iyef tezullem yakan ddurt ieddadan. Ssutret i Rebbi ad wen-d-ifk tignatin akken ad sen-temmeslayen yef Linğil ad t-fehmen. Zallet akken ulawen-nsen "ad herrken deg-sen mi ara sen-temmeslayen yef Tira iqedsen". Kemmlet tazallit fell-asen deg ussan i d-iteddun.



Afaq

Di ddurt-agi, ferqet d wiyad ayen i tlemdem di temsirt-agi. Tzemrem dayen ad txedmem tamsirt-agi akk-d wiyad.



Tamsirt 5 : Tibratin

Aselmed i Tmezdayt

Isem : _____ Ass : _____

Iswiyen

1. *Ad nefhem iswi n uşaduf d wazal i tesa teflest d rreħma n Rebbi i d-yefka i leslak-nney.*
2. *Ad nefk azal iwulmen i Tamezdayt tamađalt, tawacult tunnigt n yellan d tarwa n Rebbi.*
3. *Ad neseu afud s tnekkit tamaynut i ħ-d-ittunefken imi nuyal d "tarwa n Yebraħim" s teflest. Ad nernu ad nefreħ s lbarakat ara d-newret di Lmasiħ ; ad nili d wid ara yizmiren ad d-nessfhem kra si lbarakat-agi.*
4. *Ĥemdet Rebbi yef tdukli yellan gara-neħ s wid yumnen s Lmasiħ, ilaq tadukli-agi ad timyur gara-neħ.*



Xer wanda i nessawed ?

1. Dacu i d-lemdem n wayen yesean azal meqqren di temsirt-agi ?
2. Dacu i d-yellan mi tferqem ayen akka i tlemdem akk-d wiyađ ?
3. Dacu i d-yewwi d lfayda di tudert-nwen wayen akka i tlemdem ?



Xret di tebratt At Galasia 3.6-29 d At Ifasus 2.11-22.



Aniwi i d tarwa n Yebraħim n şşeħ, amek i yuġalen si ccetla-ines ? At Galasia 3.6-7,26-29)



Dacu i d-nnant Tira yef wamek ara yerr Rebbi d iħeqqiyeen imdanen, s teflest mačči s wayen xeddmnen ? (At Galasia 3.6-12)

- Taseddat 6 (walit Laşel n ddunit 15.6) :
- Taseddart 8 (walit Laşel n ddunit 12.3) :
- Taseddart 10 (walit Asmekti 27.26) :
- Tasedart 11 (walit Ĥabaquq 2.4) :



Anta i d 'ccetla' n Yebraħim s wayes i ttubarken akk leğnas ? (At Galasia 3.16-19)



Ayyer i y-d-ifka Rebbi asaɗuf (Ǝecra n lumurat, atg.) ? (At Galasia 3.19-24)



Xret At Galasia 3.26-29 d At Ifasus 2.11-22.



D acu-t zzerb yellan ger yemdanen di tallit tamezwarut n tmezdayt ?



Amek i zemren yemdanen yemxalafen di yal aħric n tudert-nsen ad ddukklen di Lmasih ?



Xef wakken i d-nnant tseddarin-agi, d acu i sean d lfayda wid yellan di Lmasih ?



Leqdic n zzyada

1. Ccnut yiwen n ccna n ucekkeɣ i d-yettbegginen tdukli-nney di Lmasih, amedya :
 - [Aqlay nezzi-d d agraw](#)
 - [Yid-ek neddukel](#)
 - [Aqli-yin rziy-d yr-ek](#)
2. Walit [tafidyutt-agi](#) n yiwen n ccna n lħemd, wid i t-yecnan kkan-d si tmura yemxalafen: Syin akin, ħemdet Rebbi yef tdukli-nney di Lmasih Ƨas akken nemxalaf deg idles, di tutlayt ney deg ixemmimen. ħemdet Rebbi yef tdukli-nney di Lmasih i d-yekkan nnig n yedles, n tmetti ney n tsertit.



Leqdic

1. Ma nuḡal d iḥeqqiyeṇ s teflest, taḥeqqit-nney ur tezmir ara a d-tas seg usaḡuf, d acu ara ibeddel waya deg wassay-nney akk-d Rebbi ?
2. Ḳallet Ḫef iḡebban-agi akken ad ḡlin s yisem n Lmasiḥ, Ḳallet dayen akken ad d-tili tdukli meqqren ger wid yellan d imasiḥiyen.
3. Ssutret i Rebbi di tḲallit ad wen-d-isken ma llan wid ur nelli ara yid-wen, di twacult n Rebbi, wid i tḥeqrem ney i terram di tṭterf, wid i kun-ixulfen di tutlayt-nwen ney i ixuṣṣen di kra. Init aya i Rebbi, ssutret-as ad wen-isemmeḥ, ad kun-iḡiwenn ad tbeddlem tamuḡli ar ḡur-sen akken ad twalim belli ula d wiyaḡ sḡan yiwen n wazal di Lmasiḥ.



Asnilles n weḡric 101

Ḳiwdet leqraya i temsirin n weḡric-agi, sain akin, ddukklet, xedmet-ed yiwen n wunuḡ ara d-ibeggnen ayen akk i tfehmem ; deg-s ad d-tinim lfayda i win-d-yewwi di tudert-nwen.



Afraḡ

Di ddurt-agi, ferqet d wiyaḡ ayen i tlemdem di temsirt-agi. Tzemrem dayen ad txedmem tamsirt-agi akk-d wiyaḡ.

